

Litlu jólin og jólafrí

Litlu jólin verða haldin í Akurskóla föstudaginn 19. desember. Á litlu jölunum horfum við á helgileik og dönsum í kringum jólatré á sal skólans. Einnig verður samvera í kennslurýmum en umsjónarkennarar veita nánari upplýsingar um fyrirkomulag samverustunda.

Nemendur mæta sem hér segir á litlu jólin:

1.-3. bekkur mætir kl. 8:10-11:00

8.-9. bekkur mætir kl. 9:00-11:00

4.-7. bekkur mætir kl. 11:00-13:00

Jólafrí nemenda hefst eftir litlu jólin þann 19. desember en síðasti opnunardagur fyrir jól í frístundaskólanum er fimmtudagurinn 18. desember. Mánudaginn 5. janúar verður starfsdagur kennara. Skólinn hefst að loknu jólafríi skv. stundatöflu þriðjudaginn 6. janúar.



Christmas joy warms the heart

Akurskjól

Miðvikudaginn 10. desember fóru krakkarnir í Akurskjól í sína árlegu jólaferð. Gengið var að Stekkjarkoti þar sem Lars aðstoðarskólástjóri tók á móti þeim og las fyrir þau skemmtilega jólasögu. Eftir lesturinn var gengið til baka í skólann þar sem þeirra beið heitt kakó, piparkökur og jólatónlist.



Bekkarstarf


Bekkarfulltrúar hafa verið mjög iðnir við að kalla hópana saman og hefur ýmislegt verið gert fyrir foreldra og nemendur. Meðal þess sem hefur verið í

boði er jólabingó, piparkökubakstur, bíó, diskótek, leikir og fleira. Við vonum að foreldrar verði jafn virkir á nýju ári.

Einnig fengu nemendur í Kríum, Kjóum og Krummur að heimsækja Fjörheima í nóvember en heimsóknin var umbun fyrir góða hegðun.



Jólaakveðja



Starfsfólk Akurskóla óskar nemendum og fjölskyldum þeirra gleðilegra jóla og farsældar á nýju ári. Megið þið eiga ánægjulegt jólafrí.

SpKef

Sparisjóðurinn í Keflavík

Val 8.-9. bekkur

Nemendur í Útivist og hreyfingu, sem er val í 8. og 9. bekkjum, hafa fengist við mörg spennandi og ögrandi verkefni í vetur. Þar má nefna að þeir gengu gömlu þjóðleiðina sem liggur milli Innri – Njarðvíkur og Voga. Í síðasta tíma vetrarins var farið niður í fjöru þar sem nemendur kveiktu varðeld í vikinni Kópu. Nemendur fengu einnig leiðsögn í að tjalda stóru eldhústjaldi sem þau tjölduðu á skólalóð Akurskóla. Síðan var kveikt upp með ferðaldunartækjum og nemendur hituðu upp pylsur og poppuðu poppmáís. Pétur Gunnarsson leiðbeinandi námskeiðsins veitti nemendum leiðsögn en það þykir hafa heppnast mjög vel og ættu nemendur nú að vera vel í stakk búinir til þess að undirbúa sig fyrir fjallaferðir.



Nemendur í Skólahreysti skoruðu á starfsfólk Akurskóla í brennó. Mjótt var á munum og bæði lið í miklum keppnisham. Nemendur sigruðu eftir jafna og harða baráttu. Þetta var einkar skemmtilegt framtak hjá krökkunum og ekki ólíklegt að önnur áskorun berist innan tíðar. Nemendur í Skólahreysti kíktu í heimsókn í Vogana nú á dögnum. Þar var hreystivöllurinn kannaður og krakkarnir spreyttu sig hvert á fætur öðru. Svo vel var tekið á því að sumir mörðust og hrufluðu sig í átökunum. Krakkarnir kepptu sín á milli og skapaðist mikill keppnisandi

meðal krakkanna. Nemendur sveifluðu sér á milli stanga og klifruðu yfir netavegg á miklum hraða. Efnilegir krakkar á ferðinni. Í gær gafst nemendum í 8. og 9. bekk tækifæri á að næla sér í sæti í Skólahreystiliði Akurskóla. Nemendur á elsta stigi voru hvattir til að koma og horfa á úrtökumótið og hvetja samnemendur sína áfram.



Söfnin í Reykjanesbæ buðu nemendum 1.-3. bekkja í Akurskóla á leiksyningu í Duushúsum þann 11. desember. Leikritið heitir Óskín. Þetta er orðinn árlegur viðburður og gert til að styttu börnunum biðina eftir jólnum. Börnin fóru með rútu og skemmtu sér mjög vel. Allir voru mjög ánægðir.

Leikrit 1-3 bekkur




Brúum bilið

Í vetur höfum við átt mjög gott samstarf við leikskólana í hverfinu. Skólahópar Holts og Akurs hafa heimsótt skólann og setið kennslustund með 1. bekk. Þá hefur skólahópurinn frá Holti mætt í nokkra samsöngstíma og tekið lagið með 1.-3. bekk. Rúsínan í pylsuendanum var jólastund sem var í gær, þriðjudag, en þá hittist allur hópurinn á sal Akurskóla og söng saman jólalög og hver hópur flutti sitt atriði. Við ætlum okkur stóra hluti á nýju ári. Leikskólarnir munu taka þátt í þorrapemanu hjá okkur í janúar og í vor koma skólahóparnir aftur í heimsókn og sitja kennslustund.

Nemendur í 6., 7., 8. og 9. bekk unnu í haust verkefni í WIKI. Verkefnið fólst í því að skrifa fræðilega grein út frá heimildum á WIKI síðu Akurskóla. Þetta var samþættingarverkefni og að þessu sinni samþættum við landafræði við íslensku (ritun og framsögn) og upplýsingatækni. Nemendur héldu síðan kynningu á verkum sínum í lok nóvember og var foreldrum boðið að koma og hlýða á kynningarnar. Þetta þemaverkefni heppnaðist í alla staði mjög vel og margir flottir fræðilegir pistlar litu dagsins ljós.

Wiki verkefni



Laufabrauðsgerð

Foreldrafélag Akurskóla stóð fyrir laufabrauðsgerð fimmtudaginn 4. desember s.l.

Mæting var mjög góð og ekki að sjá annað en að allir skemmtu sér vel og nytu samverunnar. 7. bekkur sá um kaffi og meðlæti.



Kirkjuferð og jólamatur



Á föstudag var boðið upp á jólamat í hádeginu. Kennarar þjónuðu nemendum til borðs og báru fram hangikjöt ásamt meðlæti en öllu þessu var skolað niður með jólaöli. Jólalög hljómuðu í matsalnum og setti það skemmtilegan blæ á þessa jólastund. Nemendur unglíngastígsins notuðu tækifærið og þökkðu Skólamat fyrir morgunmatinn, hafragraut og tilheyrandi, sem umsjónarkennararnir Þórdís, Hrefna og Þormóður höfðu frumkvæði af að bjóða nemendum í byrjun nóvembermánaðar. Það var Fanný Axelsdóttir framkvæmdastjóri Skólamatar sem tók á mótí jólakorti frá nemendum.



Röskun á skólastarfi vegna óveðurs

Þegar veðurspár gefa til kynna að óveður sé í aðsigi á Suðurnesjum fylgjast Lögreglan og Almannavarnir gaumgæfilega með, hafa samstarf við skólana og gefa út viðvaranir til almennings, gerist þess þörf. Mikilvægt er að foreldrar fylgist sjálfir með veðri og veðurspám og hagi sér í samræmi við aðstæður hverju sinni. Foreldrar leggja sjálfir mat á hvort fylgja þurfi barni í og úr skóla þótt engin tilkynning hafi borist frá yfirvöldum. Meti foreldrar aðstæður svo að ekki sé óhætt að börn þeirra sæki skóla þá skulu þeir tilkynna skólanum um það og lítur skólinn á slík tilvik sem eðlileg forföll. Við slíkar aðstæður eru skólarnir opnir og þar er öruggt skjól fyrir börnin.

Félagsstarf

Félagsstarfið í Akurskóla hefur verið mjög fjölbreytt síðustu vikur. Haldið var sundlaugarparty fyrir krakkana í Flott án fíkna, ásamt kaffihúsakvöldi þar sem boðið var upp á kakó og piparkökur og hlustað á jólatónlist. Þátttakan í verkefninu hefur verið mjög góð, um 96% nemenda á unglíngastigi hafa skuldbundið sig til að neyta hvorki áfengis né tóbaks í grunnskóla. Krakkarnir hafa verið duglegir að mæta á flesta viðburðina tengda félagslífinu og hafa opnu húsin verið sérstaklega ánægjuleg. Þar hafa nemendur fundið vettvang til að koma saman, spjalla, taka í spil og hlusta á tónlist. Nokkur böll voru haldin og var sérstaklega gaman hjá okkur þegar 6. og 7. bekkingar mættu og skemmtu sér með 8.-9. bekk.



Ég og þú, þú og ég

Ég og þú, þú og ég, við tvö saman, námskeið foreldra og barna í 1. – 3. bekkjum lauk nú í síðustu viku. Í ár var ákveðið að bjóða upp á þrjár stöðvar þ.e. smákökubakstur, myndarammagerð úr pappamassa, dans og kortagerð. Hver hópur dvaldi eina kvöldstund á hverri stöð. Þátttakendur voru almennt ánægðir með þetta fyrirkomulag því oft hefur verið erfitt að velja eitt námskeið þegar margir góðir kostir eru í boði. Eitt meginmarkmið námskeiðsins er að gefa foreldrum og nemendum tækifæri á að kynna öðrum skólafélögum og foreldrum þeirra. Námskeiðin stuðla einnig að aukinni samvist foreldra og barna og hefur þar af leiðandi mikið forvarnargildi. Námskeiðin eru þátttakendum að kostnaðarlausu en reynt er að hafa kostnað vegna framkvæmdar í algjöru lágmarki. Eftir áramót verður námskeið fyrir nemendum á miðstigi og foreldra þeirra.



Legokeppnin

Nemendur í Akurskóla tóku í fjórða skiptið þátt í Legóhönnunarkeppninni sem fram fór í Öskju laugardaginn 8. nóvember. Það voru nemendur úr 6. og 7. bekk sem skipuðu sveit Akurskóla að þessu sinni. Hópurinn stóð sig með stakri þryði þann tíma sem undirbúningur átti sér stað og ekki síst á keppnisdaginn. Þar mátti sjá mjög góðan liðsanda sem einkenndi liðið. Að mati þeirra sem fylgdust með var dagbók nemenda og rannsóknarverkefnið sérstaklega vel unnið. Í ár þótti þrautin á brautinni



erfiðari en undanfarin ár og skoruðu liðin almennt mun færri stig en áður. Markmiðið með keppninni er að vekja áhuga grunnskólanema á tækni og vísindum og ekki síst að gera raungreinar skemmtilegar. Aðalvinninginn FLL meistara hlaut liðið Klakar sem kom frá Höfn í Hornafirði. Þess má geta að fimm skólar frá Suðurnesjum tóku þátt í keppninni í ár, fjórir frá Reykjanesbæ og Stóru-Vogaskóli frá Vogum. Nemendur þessara skóla voru verðugir fulltrúar okkar.



Skreyting á jólatré

Nemendur í Kópum, Kiðlingum og Kálfum tóku þátt í að skreyta jólatré á Hafnargötunni. Skrautið var unnið úr endurunnu gleri en það var Karólína myndmenntakennari sem aðstoðaði umsjónarkennara og nemendur við gerð þess. Þetta verkefni er unnið í samstarfi við Umhverfissvið Reykjanesbæjar sem bauð nemendum upp á heitt kakó og piparkökur í Skessuhellinum þegar búið var að skreyta öll jólatré. Þess má geta að tréð okkar er fyrir framan Fasteignasöluna Ásberg.



Kornið

Fréttabréf Akurskóla

Ábyrgðarmaður: Jónína Ágústsdóttir

Akurskóli

Tjarnabraut 5

S: 420 4550 Fax: 420 4551

www.akurskoli.is

akurskoli@akurskoli.is